



رخ کلنبه جانان ایله تخمین ایتسم
کل کلزار لطافت کوزیمه خار کلیر

نه قدر پرتو لطفک بنی منون. ایتمش
بدراولان آیه کوزم باقسه بکاعار کلیر
نه زمان لطف ابدرك کلسه اوروحاک روحی
درد و غم جمله کیدر طالع بیدار کلیر
نه قدر مشکل ایتمش درد و فراق جانان
آفتابه باقه تم خاطریمه یار کلیر [۱]

یار کلسه یانمه هر طرفم کلشن اولور
فکره آرتق نه کلستان نه چیزار کلیر
(ای امیری) کرم و عاطفتی وارا ولسون
چونکه هر کون یانمه سوکیلی دلدار کلیر

بهار مناسبتیه برنظام

هم کولسه اوکلعدار خوشدر
هم کولسه ده اویار خوشدر
زیرا کل لاله زار خوشدر
هم غنچه نوبهار خوشدر
آهمله صفا بولور اودلدار
بعضاده خشونت ایلر اظهار
امابکا کشف اولور بوانسرا
هر جلوه روزکار خوشدر

یارین کلیرم دینجه جانان
مستغرق اولور سروره وجدان
شدتایر انتظار انسان
اما که بوانتظار خوشدر

[۱] مصراع مشهور

آفتابه باقه تم یار کلیر خاطریمه

آيينه قارشى طورسه اول حور
کويا دىکيلير عمود بللور
بريرده عيان اولور ايکي نور
آيينه ده عکس يار خوشدر
کيمسه يله قونشمه يدي اول شاه
اغيار ايله اولسه يدي همراه
ناز ايلسه آفتابه اول ماه
اولسه نه قدر کبار خوشدر
دور ايلسه بيک بهار رخشان
کوکلمده دکل صفا نمايان
جانانم ايدرسه برکل احسان
ايسته اوزمان بهار خوشدر
ايام بهار اولونجه ، دلدار
بيک کل يرينه ويررسه برخار
مادامکه لطف ايدندر اول يار
الته بويادکار خوشدر
کلزاره کلوب اوطورسه جانان
ال باغلسه قارشينده ياران
کلرده صفادن اولسه خندان
فرياده کان هزار خوشدر
يوق شمدي ياننده بر حبيبي
قحط اولدي (اميري) نک نصيبي
ايستر بوله برکل نجبي
زيرا کل ايله بهار خوشدر